

Caduceator. Der Herold.

Signa fero pacis ramis velatus oliuæ,
Et veniam propter prælia sæpe rogo.
Omne quod aut Princeps equitū, peditumūe Magi-
Imperat, efficio temporis absq̃ mora. (ster,
Militibus quicquid notum cupit esse superbis,
Inprimis memorans indicat ille mihi.
Tunc ego, sanguineos postquã tuba clanxit in usus:
Terribilemq̃ dedit buccina clara sonum.
Iussa Ducis recito præsentibus omnia turbis.
Quæ minimis ausit soluere nemo modis.

Tormentorum muralium & pulue-
ris nitrati custos.

Der Haubzeugmeister.

Sollicitus patula custodio quicquid in arca,
Ad fera militiæ pertinet arma meæ.
Præcipue tormentorum genus omne nocentum,
Et Bombardarum me penes esse solet.
Ænea bellorum non machina defuit ulla,
Non lupus, aut serpens, aut Basiliscus ahest.
Nec qui saxa rotans quatit omnia mœnia puluis
Defit, et è ferro glans fabricata suo.
Horrida sanguineis quæ funera stragibus edunt,
Vrbibus innumeris excidiumq̃ ferunt.

Arma-